

高平縣志卷之九

叢譚志

春秋紀災不紀祥聖門語如不語怪蓋謂天道遠而難察人事近而有徵也至于小術可觀異端必屏君子脊焉然而事無害于大義客有益于吾土方藉以備觀風之勝况古者天子歲與吏民相見若令父老扶杖而論風俗談廢興未以非快舉也志叢譚

祥異

高平縣志

利集

卷九

一

藻

永康元年秋八月己亥法氏縣地裂

按漢紀永康元年八月十五日夜法氏地裂數十丈即今王報寺在百方等村是也

晉

太康元年春三月辛未霜雹傷桑麥

桑方吐葉麥正揚旃農相與慶于野以為有年之兆未幾霜隕雨雹交作桑麥為之盡枯

永寧元年冬十月乙亥風雹折木

雹大如雞卵自晝至夜平地積三尺則木盡折

唐

乾元二年秋不雨

自夏六月不雨至秋九月不雨未黍一
空有司發倉廩以賑貸仍告糴于懷孟

周

顯德元年春三月丙午有鵲巢于縣郭之南川

鵲初巢于柏樹之顛有鷓鴣為害乃移
巢于城郭南平地每巢中為雛者七八

宋

大中祥符元年秋七月甲子五龍騰躍于丹河上

高平縣志

利集

卷九

二

時方大飢民艱于食有司禱雨不應至是五龍見
于丹河之上光映數里雨澤隨降歲豐稔斗米僅
數十錢

金

大眷三年夏五月庚申地震

震時老稚驚死者數百人

皇統三年春三月戊子五龍復見于丹河上

歲豐稔亦如祥符

元

至正二十二年夏大旱

春不雨麥苗盡枯百姓飢殍百計待雨不應至夏
尤陽益甚歷三月墜無片雲盜賊蜂起有司奏糶
租不報

至元二十九年饑

時淫雨水雹相兼夏麥秋禾盡廢百地皆赤
地死者枕藉流離載道呻吟之聲至不忍聞

大德七年秋八月丁亥地震

八月朔日夜將半忽大風起西北官民皆驚起須
臾地震如搖櫓蕩漿之狀官舍民廬壞者無算

九月火

高平縣志

利集

卷九

三

火起于民家延及樹舍說者
謂烏鴉為害恐未可憑也

十一年夏四月庚戌地震

先是土都地震壞及宮寢至是高平地
震自午及申如舟將覆凡三日乃止

明

永樂十二年秋八月甲子霪雨害稼

初夏月亢旱民有憂色已而六月
始植穀禾稼暢茂至八月朔大風
平地水深三尺溝澮皆盈漂沒田
禾殆盡而唐安等村尤其甚者
翌日肆雨降民
驟作淫雨如注

景泰元年秋七月戊午隕霜殺

未望忽冷無葉人霜
大山鎮之東幾二十里

天順六年歲大饑

斗粟至千錢官倉民積百無一在少壯博老稚以
為食甚且有易子而食者餓殍在野腐臭之氣聞
數里有司收而埋之為
萬人坑相傳在城北里

十八年夏六月丁未大水

城近西山時有水患至是民有見角而羊者聞
于金峰之麓水忽暴漲而下城郭幾為蕩沒

二十年歲大饑民多疫死者至相食上遣官賑卹
免租之半

高平縣志

利集

卷九

四

時饑饉荐臻民無完膚且疫癘繼作民間十室九
空強壯者啖老弱而食有司奏聞上測然動念遣
戶部郎中轉解河南山東二省粟各萬石
賑卹仍免山西關省租一半民為之稍甦

弘治元年秋八月壬子大風折木

或折其枝或拔其根雖喬棟亦折今風雲
雷雨壇松木卧地亦其時之折而僅存者

八年蝗

穀初成有蝗自澤州來勢如飛而凌空而下凡
心葉節根食之殆遍時知縣楊子器甫下車釀
祀之蝗
乃息

十二年夏旱秋澇

時旱極野無青草知縣楊子器謂僚屬曰吾觀城東南隅有雨氣不識為何處指而示之衆曰此淵靈泉舊禱雨處器乃徒步而往命里老各縛蛇獅乃令童子歌曰蜥蜴蜥蜴興雲吐霧下雨滂沱汝汝歸去乃縱蛇獅于泉頭吏陰雲四合細雨下降衣袍盡濕器命撤去雨蓋行歌互吞抵縣大雨傾注四郊霑足至今禱雨者每遇旱輒做其故事以期靈應云

正德八年夏五月青

是時武皇建立皇莊民有怨言嘉八年有黑青為災夜入人竊或嘯于梁或坐于榻狀如青衣四境驚惶夜不安寢小兒見之恐懼而死

十三年秋大水

高平縣志

利集

卷九

五

秋雨淋漓水溢丹河奔湧而來樂壞城郭臨丹等村壞民舍數千間

嘉靖二年春三月風沙無麥

狂風驟起沙土自穿而降凡三日麥苗被沙墮死

五年冬十月己未地震

時十月三日地震時民猶不覺須臾大震山陵皆動百姓驚恐不敢入室相與抱伏于野

十二年春三月癸丑雨雹

空倉嶺有大如輪軸者

冬十月乙亥星隕如雨

初昏時恆星不見抵夜星隕如雨經行失
次南北交流未幾河南巨盜師尚兆兵起

三十四年民亂嫁娶

時陶真人見幸明世宗採女童以為仙藥相傳至
縣凡民有女者懼為採取日夜驚惶已字人者連
其于歸未受聘者至不由媒妁往送男
家民間婚媾日無暇刻鼓樂徹夜不絕

三十七年夏四月丁酉羊頭山產芝入貢

嘉靖晚年各處競以祥瑞進至是
高平產芝入貢識者不無後議

隆慶二年大有年

每畝獲粟四石少者亦不下三石斗
米僅三十錢民間官廩幾于狼戾

高平縣志

利集

卷九

六

萬曆二年秋八月辛巳獲玉兔

時知縣李公楨清白自持民皆安堵民有獲玉兔
者以獻公曰余德不逮何瑞之應人以為公之法
德所感云

十年春二月丙寅換馬鎮北山裂數丈

山鳴凡三日裂
時震動數十里

十一年春二月乙卯民吳守倉妻一產三男

守倉妻某氏產三男知縣劉一相以為人
瑞給粟贍其母命其子曰大雛二雛三雛

十三年春三月丁亥地震者三

三月三日也自午
至夜其震凡三次

夏五月壬寅水雹

太者如梓自縣郭及南鄉數村二
十里之間禾黍一空幾為赤地

十四年春不雨至夏六月不雨

盜賊蜂起民有積財者悉掠去
老稚剥樹皮以啖死者枕藉

十五年夏五月丙辰夜水雹壞民廬室

時縣令楊應中禱雨于靈輿王大雨霑足久不報
祀乃有白雲起自西北水雹隨降壞民廬室凡數
百間

二十四年冬十二月庚子獲玉兔

時馬公從龍知縣事一以克
菴公自夫故亦獲玉兔之瑞

二十七年秋七月壬辰水雹八月庚戌隕霜歲大饑

水雹投禾立盡民改種蕎麥又以霜早
無成是歲大饑民間鬻妻子者幾千家

三十年夏五月店頭村地裂

村兩臨于河雨忽暴漲村幾漂沒忽村後
平地裂開大穴水入其中已漫合如故

三十一年秋九月唐安鎮煤窰火龍見

里人方下取煤忽見火光滿井極為薰蒸急上之
身已焦爛而死河史雷震井中火光上騰高丈

餘周圍百步下熱而尋溪入井人不敢近謂有火龍潛焉

三十二年秋七月唐安里河溢

大雨暴注河水不由故道徑趨村中漂沒民舍幾十間滄死男婦二口村之南匯為大池有言見鱗而南者伏池內民益恐相與鑿錢祭之已復河水如故

三十五年春三月有星自東流于西北

初昏有星自東而西去地僅二丈許經米山及縣城形如帚而有火光已忽不見

夏四月星隕于東平村

墜地有聲入深數十尺口窵而中甚寬取之為難

高平縣志 卷九 八

夏五月濟瀆池水濁尋復清

靈泉素清冷可玩至是忽渾濁如赤鄉人驚異與牲醴謝愆已而水復清如故說者謂有產婦水以致神譴理或然也

閏六月冷氣如冬長河有霜

時當酷暑薰蒸忽陰風襲人寒冷如冬月之狀其夜長河結霜亦如冬月說者謂夏行冬令民疫

四十二年秋九月地震有聲如雷

月之廿一日戌刻忽自西北如迅雷震响房屋幾仆竟向東北而去尋即寧息

四十五年秋九月彗星見至冬十一月止

初東北有白氣瀰漫者數夜至日彗星見長三丈許白氣時在四面旋遠每夜三五更出五更收至十一月方不見

後遠東變作
四十六年秋九月大雨水

時霰融和至十三日酉刻大雨雪落樹俱成冰塊折傷者無算凜烈如冬數日亦燠

冬十二月日暈耳
凡數見

四十八年夏五月大冰雹

是月廿三日酉刻大者如杵未逾時遍城內外房瓦俱碎數年猶未補全縣治內更大如升大風拔折丹輝槐樹父老相傳從來之冰雹未有如此之慘也先是三月內民隱堂東樹內火起水灌之方

高平縣志

利集

卷九

九

息正堂
探忽折

崇禎六年夏大疫

先是壬申歲流寇蹂躪境幾二年四鄉居民避寇入城僦屋而寓至有異姓同居者越歲疫死甚衆

冬十月鷄鳩至

雉體鼠脚不能樹棲性慙急羣飛中州集若蝟毛出北方沙漠地

崇禎十三年旱蝗大饑人相食

已卯夏旱甚秋無禾稼飛蝗蔽野食樹葉幾盡至冬蟻生不絕入人家與民爭食越明年春析
吹子慘
不忍聞

國朝

順治三年秋七月大水

是月大雨如注百川沸騰唐村橫決倍甚男婦四人溺死

順治六年春正月雨雪大雷有星自西北墜於地光

芒數文

夏四月地裂

是歲災異迭見姜逢煽動三兵起澤潞城陷賊黨擅據互相侵掠冬十月征西大將軍和碩王討

平

高平縣志

利集

卷九

十

順治八年夏六月地動

順治十三年夏大饑

六月丙斗米錢一千五百文市皆開糴澤潞之民騷然未幾而

論曰古者書大有則水旱多志來巢則咎徵見然

而祥桑枯死六鷁退飛救災恤鄰未嘗不在人也

邑之冰雹旱蝗隨代而有消阻救振宜所亟講

何取乎玉兔瑞芝之紛紜也

方技

王叔和

為太醫令性度沉靜博通經史窮研方脉精意診切尤好述洞識脩養之道撰脉經十卷脉訣四卷脉賦三卷仲景作傷寒論錯簡追叔和撰次成序潔成全書見唐茸伯名醫傳考叔和住籍邑之王寺村今土窯藥碾俱存

李肯堂

性強記有巧思兼善字學及楷篆諸書號西溪有西溪法帖傳世

明

高平縣志

利集

卷九

土

陳魯

少學易入五臺山見一老翁授以開心符魯跪而吞之遂明占卜凡陰陽九宮兵法風雨靡不諳達所筮立應

王友古

博物洽聞尤精天文術數及算法凡人心術之其布皆算而知之嘗集渾天欹器銅鳥漏刻候風諸巧事并圖畫為器準

李玘

少以醫著名後善圖緯及玄象之術且能煉形氣晚取老釋二教善折衷相參終身力行之時

論曰大德不賞至道無名則區區伎倆儒者黜而
非之彼工伴造化妙擬鬼神蓋大道之緒餘利物
致用所必錄也且叔和為醫中聖人又不可與諸
藝士併觀者矣

仙釋

漢

費長房

高平縣志

利集

卷九

三

脩真邑之南山。曠見入市有貨藥翁懸壺于僻樹
每曰夕貨畢入壺。懸焉。長房見而師尊之。翁曰。儒
子有宿緣可教也。遂引入壺中。乃別一洞天。授以
竹杖。及縮地法。雖數千里。跨杖頃刻即至。後長房
亦不知所終。

後唐

太惠公

隱於舍利山五音洞。調演聲律。遠五音之玄。明明
四聲之妙。音聲九十餘。一夕論門徒曰。上帝有召
吾將歸矣。遂沐浴端坐而逝。每風晨月夕。洞中嘗
若有五音。聲後人因名其洞為五音金峯。有愚
公塔。附愚公上心王狀。奏六賦表。
臣聞三乘路遠。法界無涯。四海晏清。十方安泰。思

以魔軍競起侵擾心田六賊既強心王驚動初生
百怪暮長千邪幻惑真知囚牢法體菩提道路隔
絕不通破壞涅槃傷殘三寶無為珠玉悉被偷將
大藏法財皆遭劫奪塵勞翳日慾火亘天燒蕩國
城焚漂聖境臣乃見斯紊亂恐正法以難存遂與
六波羅密商量同為剪滅遣自性為密使探候魔
軍見在五蘊山內潛伏約有八萬四千餘眾已知
姓字窺計剎那臣遂檢點十八界之雜兵兼立體
空為號令人人有無該之力各各懷勇健之心掛
堅固鎧執三昧鏡智箭禪弓光明慧劍先鋒有見
性之能力士有奪關之德向大乘門中訓練寂滅
回內調伏選三明嶺上屯師八正踞頭布陣舉大
覺性為都總管遊奕四方統領法界生擒妄想之
徒活捉無名之輩請慈悲王破三毒之寨差忍辱
將破慳慳之城精進太保除傲慢之妖喜舍即君
滅慳貪之賊臣又向平等川中下寨把斷十惡之

高平縣志

入利集

卷九

門般若若召內行兵毀盡八邪之踞逡巡魔軍大舉
殺氣衝天臣乃號令摩訶般若若同時入陣各運神
通遇相着力當此之際眼不觀色耳不聽聲鼻不
嗅香舌不了味身不覺觸意不攀緣勇猛向前念
念不遺兩陣交鋒魔軍大敗六賊全輸勦戮無遺
掃除蕩盡收下妄想捉獲無明領就涅槃場內以
慧劍斬為三段煩惱林當時摧折人我山碎作微
塵愛網用智火焚燒欲海呷自然枯竭致使三明
再朗四智重圓心王坐歡喜之殿真如登解脫之
樓白性慶無碍之堂三身居不搖之地從茲法界
寧靜永絕喧囂渡生死之愛河達菩提之彼岸意
軍已滅謹錄奏聞謹奏奉并韻母三十字上唐聖
宗特賜土百頃祠部三十
入道紫衣十道住舍利山

末

李通敏

仙井里人唐宗室子文簡
六世祖舉進士
子隱居西山之隈足
遂隱居學辟穀之術屏棄
跡不履城市終日端坐事
而終既葬後人於王屋山
因名其山與里
為游仙坊今廢

元

馬仙姑

洛州永平人幼慕仙欲求
樓真之所中統初至上
黨壺關居數日語人曰此
非吾之所止後于縣西
三十五里通義村依山結
廬日以煉形為事廬側
產異草香聞數里鴉鵲時
鳴向群集若有驅之者

高平縣志

利集

卷九

古

一旦淨几焚香謂麻姑將
至少頃正襟而逝後人
每見仙姑星冠霞帔里人
竊異祭祠奉祀今董峯
庵有石柳即
其委脫之處

論曰自昔等天地為逆旅
眇光陰為過客者往往
有所托而逃則緇玄昇脫之
流豈好奇而過焉者
乎故夫函關望氣慈嶺遺
踪二氏之學殆續紛于
宇內君子亦反經而已矣
何必與之相角也

撮階

論子章

使

使

巡檢

張聚倉副使

郇聰縣丞

陳藻倉大使

李寬倉大使

李驥典史

牛廣巡檢

改章都司獄司

徐通巡檢

王禎倉大使

李騰巡檢

梁棟倉大使

王志大使

李綱驛丞

李文昇典史

李沛大使

牛紀巡檢

高平縣志

利集

卷九

十五

牛江大使

賀科巡檢

張思忠

劉坤巡檢

李蘭府知事

李鈞主簿

袁珮吏目

李朝吏目

趙應宿巡檢

郇騫吏目

姬佩金西安府知事入境
斷路效當道奇之

朱科經歷

郇應獅縣丞

閻瀚典史

李思忠主簿

秦忠縣丞

學

趙朝用

張汝蘭

李邦傑

張梅

劉墩

程汝載

任遷安驛丞性資耿介
才能理繁任有遺聲

李國臣

任京庫大使歷
開封府知事

牛景春

任長蘆大使致
仕屢實鄉飲

王傲

以刑名考中任京倉副使
儒雅和平了無俗吏態

郜志衡

任長蘆
大使

李代山

任京倉副使歷武
城主簿秦府典儀

張珪

任京庫副使受勅
封陞水保鎮巡檢

高平縣志

利集

卷九

十六

石榮

任武安
驛丞

張琢

任崇寧
驛丞

張齊

公勤正直歷賓鄉飲縣公
高曰仁壽曰齒德俱尊

石堂

任永寧
驛丞

郭价

任南國
巡檢

張思問

任金鎖
關巡檢

李承光

任靈武
驛丞

陳陞

任固節
驛丞

楊汝高

任長蘆
大使

張孝

任萊陽
巡檢

王思孟

任南京留
司衛吏目

張守一

任鵬嶺巡檢
陞倉大使

姬國澤

任丙字庫大使
陞廣州府知事

趙官

任倉
副使

牛天性

任大

法臣

馮昌祚

李應二

任兩字
應大使

趙孔隆

馮四端

張惟姓

任大同
驛丞

論曰凡春秋所紀皆經邦大訓

姓名者所謂以其人而微之也

而得志于邑乘者謂有賢者與

秋之法也

附例授

也

李克綱

以女濕川王妃
封兵馬指揮

張思

高平縣志

利集

卷九

十七

李宜春

邑庠生奉例納
授平陽府訓導

郭嗣顯

耆民

梁廣

賈子玉

李錫

李禎

胡順

趙鑾

牛文獻

趙朝鸞

關浩

李聰

馬好義

范文

耀 任驛丞陞晉府倉大使

陳三重 任富國場大使

石承忠 任太安驛丞

趙承訓

郭時保 王應時以人有微而不登其

李濬德 王尚仁掾階微乎微者也

姬舜稷 李鳴隄以馬賢而得書亦春

祁國孝 任自省

龐承考 劉均節

尚雲鳳 蘓代福 奉例納授太醫院吏目

高平縣志 利集 卷九 六

李均鳳 郭守馬 太常卿東之子例納金吾衛指揮

王化行 司顯榮

李克勤 郭崇言 李萼

郤汝賓 焦元慶 崔廷柱

韓時興 蘓邦彦 武爵

楊嘉玉 運司大使 張應和 趙景

李孟冬 郭汝久 牛廷

袁時震 田桂

齊

史得林

馮應時

秦德化

脩潔文雅敦倫重義有司屢召鄉飲

邵雲鵬

古貌古心善事善教召與鄉飲

王國安

有德有功縣學旌表

秦諒

謙恭曲謹孝友睦姻鄉筵屢與

鄭雲梯

作德既著令聞積善能流餘慶

張時通

淳篤旌善

石桐

崇敬讓博施于普高其誼今慕其德

趙徵賢

謙恭禮讓冠帶扁旌

論曰田野耆黎一鄉之德望係焉有司歲脩故事

召與賓筵固所以重鄉評崇憲典也昔絳縣老人

光映晉室此鄉耆有志亦春秋不滅德廢賢之意

高平縣志

利集

卷九

十九

僑寓

唐

張誨

其先居清河祖嘗為和川令子孫家焉誨徠居高平自號拙菴以文學名世專經術富篇韻多交稔于鴻儒居鄉不苟訓諸生徒于感孫素本皆膺歲薦

宋

李常侍

福王之後家隴西成紀縣五代喪亂為澤州守舊占籍高平善治生勤于農桑與鄉力作不少

遺休即讀書鼓琴以脩其家學丁事親處兄弟教子
皆盡其道敦尚行誼遠近慕之五府連辟不就年
九十三卒葬
于董寨村

金

王謙

并州世閥後隨母氏至高平愛其山水佳麗遂家
焉少沉静有志操是非喜怒不形言色幼受學翰
林學士王晦玄經釋典九流七畧咸所精練以子
貴封朝列大夫卜築西山結社講道不議時政不
履公門直躬化
俗有太丘遺風

明

高平縣志

利

卷九

三

張恂

陝西涇陽人崇禎癸未進士因逢闖亂京
師潛避至邑遨遊山谷間以嘯詠自遣

舒聲

江甯人流寓邑之米山
以濬安府庠士登鄉科

宋霸

進士山東城武人闖逆破關避亂高平
居陳堰村登臨間造脩然有出塵想

國朝

張彥珩

河內洛陽人進士自癸酉大變之後寓居
會而榜俱發跡于此婚嫁悉在邑境終
二十餘年

遂成
士著

論曰士之負重望者即身不過都而聲稱籍甚海

宇已鵬騰其年采矧有四方之志者豈其沈迹于

故里以故在秦秦重在魏魏重彼一說士者流且

爭艷之長平一邑不乏長者之車而此固矜式于

吾法者因併及之

雜著

高平縣志

八利集

卷九

三

邢氏世家

按邢姬姓周公之胤也為魯附庸狄入邢齊人殺

之邢靈夷儀三師城邢美桓公之志義也後衛兵

燬滅邢春秋以滅同姓之親故生而書名其後子

孫世以為國姓陵夷至于列國子孫散處莫可究

詰今按邑志漢有諱晏安者不知何許人始為高

平令嗣是而有道業有顯有文光皆相繼為令迨

文光沒于官而子孫遠占籍于邑之邢村晉有名

元卿者以功進爵大尉而邑志中又有曰安曰文
顯曰延之曰元中曰仲慶俱為大守曰受并州司
馬曰尹定州刺史俱先後出處莫可考正而承冠
世躋屢登樞要殆禁城之門世德之身乎八明朝
又有曰枝曰璉曰惠曰國庶俱以鄉舉曰永淳曰
大叙曰國燾俱以貢升識者謂其世德之文云

李氏世家

唐有宗室子寓居于高平自宋有名大節者以長
學聞節之子旦始躋顯仕旦生異舉進士異長
林亦舉進士次子森年十八澤州發解第一為某
州文學森長子是以能賦稱金大德二年登第以
子晏舉皇統六年進士歷翰林學士承旨禮部尚
書卒諡文簡曼長子伯疇善騎射次中立昌明二
年登第歷鄭平安平秀谷三縣令考績為天下最
宴長子仲恩大定十九年登進士第官左都漕未
幾以父哀病乞歸侍終授澤州刺史以便祿養諱
辭有曰父常持節單懷子復符漢澤一門之寵
時人榮之而
今不可作翁

郭氏世家

高平縣志

利集

卷九

三

當今譚郭氏者率推本郭汾陽之後云相傳有郭
恩者自太原徙居高平壽九十餘卒於子邑之李
村有雜稿數十來搜塚上識者已知其後必昌熾
數傳而有諱欽者生二子長文次質官有毅藝苑
質領正統甲子鄉薦文發丁卯解元丁是毅華蔚
起人文華出矣文之子騫舉成化庚子科質之子
定成化乙未進士拱宸與定之子坤俱舉弘治己
酉科為叔侄共舉增舉弘治辛酉科定之孫鑿嘉
靖壬辰進士鄉會俱以魁選官工部左侍郎兼尚
書俸鑿與鑿同登嘉靖乙未進士鑿官南京工部
右侍郎鑿終河南憲副鑿舉嘉靖辛卯科亦同鑿
鄉舉鑿與鑿為坤出而鑿與鑿又城也質之二
房孫長舉嘉靖戊子科欽之侄宗舉一京泰丙子科
宗曾孫東嘉靖丙辰進士官南京大常卿東之子
嗣煥萬曆壬辰進士終有國知又有曰淳曰拱樞
皆宗人俱以鄉舉夫一門數隲有如三孫煥美叔

登兄弟聯科吁已異矣且一時而伯仲相
上曹紆青拖紫爭相輝映海宇為之推讓焉至于
紫詰錫封膠庠里選更僕未
易數也謂曰世家信不誣矣

論曰根深末茂源遠流長蓋自古記之按邑三姓
一為姬周之胤一為李唐之裔其克昌後嗣由來
漸矣郭氏以汾陽支派世躋華膺說者謂子儀食
報于天也似非無稽之論余以為前有明德後有
令嗣天心眷顧寧有已時若棄德不祥天且厭之
是子孟之後隕墜家聲而張湯之緒且以令聞矣

高平縣志

利集

卷九

三

可不畏夫

郭太常異徵

嘉靖間郭太常東方因諸生時肄業于庠之東廡
丙夜沈寢忽陰風自室而起數十人擁戶而入各
執挺刃向太常痛擊摩頂至踵靡不剔骨頃更已
就死地太常初疑為盜方欲求免忽昏瞶不知彼
時主事君暨太孺人在家寢夢中有人呼曰汝子
郭東被賊殺矣夫婦驚起旋至學宮門戶如故大
驚而呼東如夢方覺正欲泣訴見滿地皆牛骨
知為鬼所剔及曙鄉人驚異咸賀為貴徵丙辰
第前毋孺人夢金甲神呼曰汝子東為三甲進士
天東以一介寒儒歷官太常壽幾九十豈尋常
物哉其徵
應如此

兵憲異徵

兵憲存仁家城隍廟西就中肄業每夜讀時向神
面前分燈久之往持道人向常即禮願為執役夜
供油燭常素寒薄穀無施給予道人乃尊禮如此
中必有故道入謂常曰他日位刻台鼎慎勿相忘
昨夢城隍神謂余曰常之位尊亦我累來分燈使
我僕僕迴避于心不安亦如就汝舍中取給甚為
方便常聞言開頤曰果如是夢焉敢相忘幽有鬼
責甚于人非後常果聯登子丑歷官兵憲神之預
報蓋非
幻云

論曰自古賢哲之生鬼神顯呵護之試觀郭常二
公起自寒微致身青紫非有若故若翼于其間烏

高平縣志

利集

卷九

五

能齎施當世哉而後之德業聞望卒表表乎寰宇
乃知神之默相善人非特以位顯已也

長平八景

郭一泉先生舊志載八景詩至萬曆年
脩志悉刪去別載其說以辨八景為相
之俗無實跡可考然登山臨水探奇覽勝
未必非騷人墨客之一助也附舊詩新詠

金峰夜月

陳顯

金峰秀出太行青遙夜高懸片月明影落寒潭清

底一輪長照古今情

新詠 靈巖秋樹老颯颯碧海青天影欲流謾道

景如滿月明明佛國放一有秋

丹水秋波

陳顯

丹水秋波恨不窮
波流去不去
霸圖空落霞
光射斜陽影猶訝
當年戰血紅

新詠 丹朱嶺下泛清流
淼淼煙波萬古秋
憶昔芙

蕖花滿縣何因偏為趙軍愁

大糧積雪

陳顯

大糧山頭雪成堆
趙壁秦城迹已埋
猶喜豐年應有

高平縣志

利集

卷九

五

兆陽春一曲為誰裁

新詠 木落天空動曉涼
飛雲濺雨亂山傍
不知玄谷糧多少似有塵堆萬斛香

橫澗垂虹

陳顯

朝陽東映玉虹西
飲澗橫流影漸迷
回首秋風天路近
飛梁千尺接雲梯

新詠 雨朝月夕見毫光
一望垂虹石徑涼
歎息人踪跡杳擬從碧落問滄梁

石室朝霞

陳顯

雲開石室寶霞升散逐中天曉日明光彩平分丹水上不知何處是秦坑

新詠 山光樹色兩輝輝欲揖朝曦向石幃世代未能湮佛面五雲常自拂苔衣

鳩山暮雨

陳顯

鳩山薄暮雨淒淒野水流雲出小溪欲識山中民樂事東臬南畝足耕犁

高平縣志

八利集

卷九

二十六

新詠 堙海無能怨未休每因風雨淚交浮晚雲歸樹歸飛急化作鳩山一段愁

游仙曉鐘

陳顯

淡月疎星照露臺鯨魚初動梵宮開鷲殘一枕游仙夢多少禪僧入定回

新詠 十里寒山古剎幽飛仙遺蹟至今留曉鐘

臨痴愚夢鹿鹿紅塵坐白頭

羊頭夕照

陳顯

羊頭山高落日斜餘光低曠野人家巡行不謂前村
晚猶縱青驄步月華

新詠 古木蕭疎噪暮鴉山邛瞑色入人家羊峰轟
上青霄東尚有殘陽映晚霞

附見

懷慶人陰司對理

萬曆己丑懷慶有民秦萬言者因父遺妻移徙家
貧與之角口妾母因而致死萬言驚惶畏妾之父
母刃橫求救于郡之掌刑豪書于自知韓陽夢乃
以白金十兩托韓而轉魂於于舉求活罪豈期于

高平縣志

刑集

卷九

七

素與萬言不睦雖得贖金竟以抵案坐萬言死罪
萬言遂憤恨而死于亦未幾云亡又數年韓以賍
私脫逃至高平變易姓名為田某者往來邑之平
頭丹水姬萬等村日以訓蒙為業人不知其為韓
也至丁未夏四月間無故語諸童子曰余韓姓陽
夢其名也二十年前于自知事發了秦萬言在陰
曹告我為頭名犯人乃謂妻家中做飯與眾公差
用我寫訴狀一紙候審妻與眾各驚訝至初八日
忽又曰老爺句追至矣若與于相辨而對泣者
倒地不語移時在地為受刑狀時吟之聲眾不
聞眾因焚訴狀跪地求免湏臾忽起曰老爺審
與我無干自知抵罪萬言解放矣眾見韓之兩
青腫為受夾者兩三月卧床未愈鄉人方互傳
為驚異邑之城隍廟兩夜時有士人忽聽廟庭
數人對理言似與前胎
合問之即四月八日也

李官變牛

嘉靖間野川民李官素無善行乃止命而終鄉人咸以為漏網方停屍二日其子夜聞呼號之聲意其為父回生也相與審視之其父變為一牛頭與手足皆牛獨腰腹尚為人形急蓋棺掩之棺中呻吟尚數日而止

劉國川龍爪

劉國川者鄉之惡人也萬曆壬寅夏六月六日與子往耕于田時霽日無雲忽片雲起自西北其子謂其將有雨勸父回宅避雨國川行轉堦下少憩聞石中秋唧意其為寶也揮鋤掘之忽霹靂一聲火龍自土中起提國川于空其子哀鳴求免乃墜國川于二里外頭以下皆焦爛惟兩腿骨少存耳

高平縣

刑集

卷九

天

袁主簿冤魂索命

袁主簿宏曹州人嘉靖間署縣印殘虐百姓民以無辜死者數十人未幾以貪論黜其鄉人有吳老者夜夢青衣數十向宏家索命吳老夢中勸回青衣者曰伊子後為山西巡按可雪吾恨至萬曆丁酉吳老之子吳公楷果為山西巡按御史下檄本縣厲壇致祭其文曰昔我曹人名袁宏者作爾縣主簿以貪酷敗官子孫式微萬曆七年七月十一日余先人讞中立夜感異夢見爾縣青衣數人遠哀氏之宅索命索債用言勸回既寤乃命余曰若宦遊山西無忘祭此厲鬼茲夢寐幻景疇敢為真第福善禍淫天道不爽袁氏剝民肥家旋亦絕嗣承繼孫今已為人備矣爾縣之民或被其漁獵或斃于敲朴賈恨以沒遂為厲鬼今觀袁氏之無亦可釋恨于九泉余奉上帝命督此方有伸冤

任特以羊一家一楮幣極
難得爾有泉爾其鑿歌尚費

義雞報冤

崇禎十三年有遊僧入南關集市敲木魚募化至
石牌樓下民間有養雄鷄者突飛僧頂亂啄流血
驅之不去每經過即如此至四五次市人咸駭為
異遂白之官一加拷訊盡吐其所作奸狀曾劫殺
鷄主於鄉下答屍不獲獄未
成而僧已斃人以為冤報云

會場

邑俗婦女競禱喜于媚神正月元宵日在金峰山
灸石佛為遊百病三月十八日集會縣西五里濟
瀆池四月十五日會縣東二里真澤祠女人多乞
嗣五月初五日會朱山孫真廟至于城中鄉社廟

高平縣

利集

卷九

元

宇歲各迎神賽社三日其倍不遵典
禮喜伶人做雜劇喧鼓樂以供祀神

登選鳥異

邑中有鳥曰老鶴每歲遇大比來棲于庠之殿舍
其數幾何士之登科者亦如之鄉人每占為預報
其最異者真如嘉靖丁酉科是歲有老鶴者五來
集于庠湏臾一鶴飛于西南是科中式者本庠四
名而閻承光為澤學生而高
平其原籍也鳥之徵異如此

論曰陰司果報生死輪迴之說儒者所不道而事

雖不經迹多有驗姑存之以為懲惡勸善之助若

男女雜集而望鬼神之歆鷄鳥來集

瑞不亦誕而無徵乎

坑卒考

周赧王五十五年秦白起破趙軍于長平殺其將趙

括坑降卒四十萬

長平初隸韓周赧王五十三年秦將白起伐韓拔野王上黨踞絕上黨守馮亭與其民謀曰鄭道已絕不如歸趙趙受我秦必攻之韓趙為一可以當秦于是長平始降趙五十五年秦王齧將兵攻上黨拔之上黨民走趙趙將廉頗軍長平以按據之趙用樓昌計壻秦求和天下諸侯聞秦顯重趙使鄭朱不復救趙廉頗堅壁不出又多亡失趙王數讓之武安君白起行千金為反間言秦獨畏馬服

高平縣

利集

卷九

辛

君之子趙括為將耳燕頗易與且降矣趙王遂以括代頗將括毋諫其不可藺相如以括徒讀父書不知合變趙竟不聽秦王聞括已將乃陰使武安君為上將而齧為裨將令軍中無敢泄武安君者括至軍悉更約束易置軍吏出擊秦軍武安軍佯敗走張二奇兵以劫之括乘勝追造秦壁即今之省寬谷是也其谷四圍皆高山聯絡前有一路僅容車馬形如布袋趙軍既入秦用奇兵絕其後軍分為二糧道既絕秦出輕兵擊之趙戰不利築壁堅守武安君築臺以覘趙軍令其臺尚存秦王聞之自如河內發民十五以上悉詣長平遮絕趙救兵因建空倉于西山以給趙軍趙軍絕糧四十六日人相食急攻秦壘欲出不得括自出搏戰秦射殺之卒四十萬人解甲伏降武安君誘入谷口曰秦拔上黨其民不樂為秦而歸趙趙卒反復恐亂乃盡坑之遺其小者二百餘人歸趙前後

勇共四十五萬人當時頭顱似山後人收而埋之
今名為骷髏廟考邑坑卒之處故城在縣西北二
十里王報等村俱是
其遺跡見山川古跡

論曰兵法詭道而勝之曰敗悉虜而俘之曰取未
聞有坑卒者坑則設陷阱揜禽獸令死者含冤負
恨而莫可誰何也應侯秉鉞函秦宜仗義執言以
收天下乃挾詐坑趙降卒四十萬呼冤徧塹流血
成河未幾身蒙屠戮感應固彰明矣後世項羽入
關亦坑秦降卒二十萬于新安其行慘毒謂之何

高平縣志

利集

卷九

三

哉

卷之九終

